

Padze 1

Én pasèn dézò an CLENDÀ, én RAT y a stchanco-che la PÉ.

Padze 2

Lo rat i vat avoué lo CORDAGNÉ é lle dit :

« Cordagné, pé plizì, remenda-mè la pé qué dze si stchanco-me én pasèn dézò la cllenda ! ».

« Ouè, d'acol ! » lle répón lo cordagné « Ma pé lo fae, i mé fo dé SÈYE ! ».

Padze 3

Lo rat i vat avoué lo GADÉN é lle dit :

« Gadén, pé plizì, baille-mè dé sèye pé lo cordagné ! ».

« Ouè, d'acol ! » lle répón lo gadén « Ma pé lo fae, n'è bėjèn dé FAEUNNA ! ».

Padze 4

Lo rat i va avoué lo MOLENÌ é lle dit :

« Molenì, pé plizì, baille-mè dé faeunna pé lo gadén ! ».

« Ouè, d'acol ! » lle répón lo molenì « Ma pé lo fae, n'è bėjèn dé BLOOU ! ».

Padze 5

Lo rat i vat ou TSAN dé bloou é lle dit :

« Tsan dé bloou, pé plizì, baille-mè dé bloou pé lo molenì ! ».

« Ouè, d'acol ! » lle répón lo tsan dé bloou « Ma pé lo fae, n'è bėjèn dé FUMÌ, pé fae crèitre lo bloou ! ».

Padze 6

Adòn lo rat i vat avoué la VATSE é lle dit :

« Vatse, pé plizì, baille-mè dé fumì pé lo tsan dé bloou ! ».

« Ouè d'acol ! » lle répón la vatse. « Ma pé lo fae, n'è bėjèn dé FEN ! ».

Padze 7

Adòn lo rat i vat ou PROOU é lle dit :

« Proou, pé plizì, baille-mè dé fen pé la vatse ! ».

« Ouè, d'acol » lle répón lo proou « Ma pé lo fae, n'è bėjèn d'ÉVE pé fae creitre l'elba ! ».

Padze 8

É lo rat i vat ou RU é lle dit :

« Ru, pé plizì, baille-mè d'éve pé lo proou ! ».

Padze 9

Adòn lo RU baille l'ÉVE ou rat qué la poulte ou PROOU
é lo PROOU lle baille dé FEN qué lo rat poulte a la VATSE ;
é la VATSE lle baille dé FUMÌ qué lo rat poulte ou TSAN dé bloou ;
é lo TSAN dé bloou lle baille dé BLOOU qué lo rat poulte ou MOLENÌ ;
é lo MOLENÌ lle baille dé FAEUNNA qué lo rat poulte ou GADÉN ;
é lo GADÉN lle baille dé SÈYE qué lo rat poulte ou CORDAGNÉ ;
é lo CORDAGNÉ lle remende la PÉ qué y a stchanco-che én pasèn dézò lo CLEENDA !